

Clár Gníomhaíochta Aeráide Pobail Céim 2
Doiciméad CC Leagan 1 – Deireadh Fómhair 2025

Ábhair:

- 1 Ceisteanna Maoinithe
- 2 Incháilitheacht Eagraíochta/Tionscadail
- 3 Ceisteanna faoi Fhoirmeacha Iarratais agus Fógraíocht
- 5 Ceisteanna Ginearálta

1 Ceisteanna Maoinithe

C. Má tá ar ghrúpa pobail iasacht a fháil (m.sh. iasacht ó Chumann Creidmheasa) an gá an méid iarrtha a áireamh leis an ús a ghearrfar ar an iasacht?

Freagra: Ní bheidh an t-ús incháilithe le haghaidh caiteachais ón gCiste Gníomhaíochta Aeráide. Ní féidir íocaíocht a dhéanamh ach amháin ar chaiteachas incháilithe a bhaineann leis an tionscadal, ní ar sheirbhís iasachta.

C. Conas a dháileann na cistí ar ghrúpaí pobail?

Freagra: Déanfaidh na grúpaí pobail íocaíochtaí i ndáil lena dtionscadal agus cuirfidh siad iarratais ar tharraingt anuas caiteachais dearbhaithe chuig an Údarás Áitiúil (ÚA). Íocfaidh an ÚA leis an ngrúpa pobail go díreach nuair a bheidh siad sásta go bhfuil an íocaíocht doiciméadaithe i gceart agus cuirfidh siad iarratas ráithiúil ar tharraingt anuas chuig an Roinn ag lorg íocaíochta ar na héilimh caiteachais dearbhaithe seo.

C. An féidir le tionscadal mór maoiniú ón gCiste Gníomhaíochta Aeráide a chomhcheangal le maoiniú Rialtais eile má dhéantar é a bhriseadh ina chomhpháirteanna?

Freagra: Caithfear measúnú a dhéanamh ar an gcomhpháirt ina haonar agus seasamh ar a bhua féin, gan tagairt don mhaoiniú eile, i gcoinne na gcritéar incháilitheachta, na n-aidhmeanna agus na dtéamaí den chlár. Ní mór a thabhairt faoi deara freisin nach féidir dúbláil maoinithe a bheith ann. Caithfear a léiriú go soiléir gur féidir na comhpháirteanna aonair a chur chun cinn chun cuspóirí an Chláir Gníomhaíochta Aeráide Pobail a chomhlíonadh gan a bheith faoi réir nó curtha i mbaol ag seachadadh an tionscadail níos mó.

C. An féidir cistí ón gCiste Gníomhaíochta Aeráide a ghíaráil le deontais SEAI nó eile?

Freagra: Is féidir, fad nach mbeidh sé mar thoradh ar mhaoiniú dúblach.

2 Incháilitheacht Eagraíochta/Tionscadail

C. An bhfuil scoileanna incháilithe chun iarratas a dhéanamh faoi shnáithe 1, má tá siad á reáchtáil go poiblí?

Freagra: Níl, ní féidir le scoileanna iarratas a dhéanamh faoi shnáithe

Ceisteanna Incháilitheachta Eagraíochta/Tionscadail (Leanúint)

C. An bhfuil Naíonraí/naíolanna incháilithe chun iarratas a dhéanamh?

Freagra: Níl, níl Naíonraí ná naíolanna incháilithe chun iarratas a dhéanamh.

C. An bhfuil na grúpaí seo a leanas incháilithe chun iarratas a dhéanamh (ag glacadh leis go bhfuil Airteagail Chumainn/ bunreacht acu, go réachtálann siad Cruinniú Ginearálta Bliantúil agus go bhfuil miontuairiscí acu etc.):

- **Cumainn Tithíochta (m.sh. eastáit nó bloic árasán)**
Freagra: Caithfidh siad a bheith sásta go gcomhlíonann siad na critéir incháilitheachta eagraíochta pobail. Tá sé mar aidhm ag Snáithe 1 den CCAP gníomhaíocht phobail áitiúil a thacú, mar sin bheadh cumainn chónaitheoirí úinéirí tí níos lú incháilithe ar choinníoll go bhfuil an tionscadal dírithe ar limistéir chomhroinnte phoiblí laistigh den eastát ar mhaithe le leas an phobail níos leithne.
- **Fiontair Shóisialta**
Freagra: Tá, ar choinníoll go gcomhlíonann siad na critéir incháilitheachta.
- **Pobail Fuinnimh Inbhuanaithe**
Freagra: Má chomhlíonann siad na critéir pobail neamhbhrabúis agus/nó critéir incháilitheachta eile.
- **Cumainn Creidmheasa**
Freagra: Níl, níl institiúidí airgeadais incháilithe le haghaidh maoinithe faoin gclár seo, ach amháin má tá siad ag gníomhú mar pháirtí tacaíochta i dtionscadal.
- **Brainse d'eagraíocht phobail náisiúnta neamhbhrabúis**
Freagra: Má tá roinnt brainse ag iarraidh iarratas a dhéanamh chun rochtain a fháil ar an maoiniú, caithfidh siad a bheith neamhspleách ó thaobh airgeadais de. Ní ghlactar ach le hiarratas amháin in aghaidh na heagraíochta, mar sin caithfidh gach brainse a bheith neamhspleách go leor chun a mheas mar a eagraíocht phobail neamhbhrabúis féin.
- **Eaglaisí/Institiúidí Reiligiúnacha**
Freagra: Tá eagraíochtaí idirnáisiúnta/náisiúnta neamh-incháilithe. Mar sin féin, i gcás gur institiúid reiligiúnach aonair nó grúpa atá ag cur isteach laistigh de Limistéar Údaráis Áitiúil agus go bhfuil siad neamhspleách ó thaobh airgeadais de ón eagraíocht níos mó, is faoin Údarás Áitiúil atá sé a chinneadh go gcomhlíonann an tionscadal na critéir incháilitheachta (neamhbhrabúis, cláraithe leis an PPN etc.). Ní mór na tionscadail a mheas ar a bhua féin agus cuspóir an chláir a chomhlíonadh maidir le pobail ísealcharbóin, inbhuanaithe a mhúnlú agus a thógáil ar bhealach comhsheasmhach chun cur le spriocanna náisiúnta aeráide agus fuinnimh.

Ní mór d'údaráis áitiúla a chinntiú go ndéantar cuí-chúram ar incháilitheacht na n-iarratasóirí don chlár, ag deimhniú go bhfuil siad:

- Eagraíocht neamhbhrabúis
- Lonnaithe laistigh de limistéar riaracháin na húdaráis áitiúil lena bhfuil siad ag cur isteach
- Cláraithe le PPN nó ceangailte le bailiúcháin eile ar nós The Wheel, Tidy Towns agus/nó grúpa pobail le hAirteagail Chumainn nó Bunreacht, a réachtálann Cruinniú Ginearálta Bliantúil, agus a bhfuil miontuairiscí ceadaithe ar fáil dóibh.

Ceisteanna faoi Fhoirmeacha Iarratais agus Rialacha Ginearálta

C. An bhfuil Comhpháirtíochtaí/consóirsia incháilithe faoi Shnáithe 1? Mar shampla, tá níos mó ná pobal amháin bainteach leis an tionscadal.

Freagra: Tá comhpháirtíocht ceadaithe, ach caithfidh siad a bheith laistigh de dhlínse na hÚdaráis Áitiúil. Níor chóir dúbláil a cheadú. Caithfear páirtí ceannais a shainaithint.

C. Má sholáthraíonn comhlacht poiblí nó príobháideach talamh/maoin/acmhainní eile don tionscadal, cad iad na rialacha maidir lena n-áireamh don todhchaí (léasáil etc.)?

Freagra: Má chuirfear tionscadal i gcrích ó láthair/foirgneamh(i)/spás urláir nach bhfuil faoi úinéireacht na hÚdaráis Áitiúil, caithfidh sé a bheith faoi úinéireacht eagraíochta comhpháirtí na hÚdaráis Áitiúil nó caithfidh ceachtar páirtí léas nó comhaontú íosta cúig bliana a bheith i bhfeidhm ón dáta críochnaithe tionscadail, ag cur ar fáil don phobal é.

C. An bhfuil cíós siopa agus socrú incháilithe mar chaiteachas?

Freagra: Níl, níl cíós/léasáil incháilithe mar chaiteachas. Ní ceapadh Clár Gníomhaíochta Aeráide Pobail mar chiste tosaithe. Ba chóir aon spás a chur ar fáil don phobal ar feadh cúig bliana ar a laghad.

C. An gá d'eagraíocht phobail neamhbhrabúis a bheith cláraithe le PPN?

Freagra: Níl, is féidir leo a bheith ceangailte le bailiúcháin eile, ar nós The Wheel, Tidy Towns agus/nó a bheith ina ngrúpa pobail le hAitheagail Chumainn nó Bunreacht, a reáchtálann Cruinniú Ginearálta Bliantúil, agus a bhfuil miontuairiscí ceadaithe ar fáil dóibh. Caithfidh siad nasc a bheith acu leis an bpobal/nó a bheith ceangailte le grúpa eile.

Caithfidh an tÚdarás Áitiúil a chinntiú go mbailítear agus go measúnaítear an fhianaise doiciméadach ar fad chun téarmaí na gcritéar incháilitheachta den chlár a shásamh.

C. An mbeadh iarratas chun feithiclí leictreacha a cheannach d'eagraíocht phobail incháilithe?

Freagra: Níl, níl cead feithiclí leictreacha pobail a cheannach faoi Shnáithe 1 den Chlár Gníomhaíochta Aeráide Pobail.

C. An mbeadh iarratas chun lomairí faiche leictreacha a cheannach d'eagraíocht phobail incháilithe?

Freagra: Níl, níl cead lomairí faiche leictreacha pobail a cheannach faoi Shnáithe 1 den Chlár Gníomhaíochta Aeráide Pobail.

C. An bhfuil cead talamh a cheannach nó a léasáil?

Freagra: Ní fhéadfaí é a bheith mar an tionscadal iomlán; éilíonn an Roinn go mbeadh léas íosta cúig bliana ar an talamh. Caithfidh an tionscadal a léiriú conas a chomhlíonann sé cuspóir agus critéir an CCAP. Ní fhéadfadh ceannach nó léas talún ina aonar é seo a dhéanamh.

C. Nuair a ghineann tionscadal pobail fo-tháirge a d'fhéadfadh ioncam a ghiniúint, an bhfuil sé incháilithe?

Freagra: Tá, fad a gcomhlíonann sé cuspóirí an chlár, cé go gcaithfidh an t-iarratasóir a léiriú conas a athinfheisteofar an t-ioncam ón bhfo-tháirge sin sa ghrúpa pobail/tionscadal. Caithfidh an malartú a bheith réasúnta agus neamhthromchúiseach agus mar fho-tháirge nádúrtha/riachtanach den tionscadal. Ba chóir aire a thabhairt don riail De Minimis má tá an tionscadal ag tabhairt le fios go bhfuil cúnamh stáit i gceist.

Ceisteanna Ginearálta

C. Cad iad na costais incháilithe agus neamh-incháilithe?

Freagra:

Ní mór do gach costas a áireamh don deontas seo:

- A bheith chun críche amháin an tionscadal a chur i bhfeidhm agus gan a úsáid chun aon chuspóir eile.
- Gan dúbláil a dhéanamh ar mhaoiniú poiblí a fuarthas ó fhoinsí eile don chuspóir céanna.
- A bheith inbhailithe m.sh. tacaíthe le fianaise ar chomhlíonadh le soláthar poiblí in Éirinn, sonrasc agus admháil íocaíochta.
- A bheith réasúnta ó thaobh nádúir agus méid de, m.sh. gan a bheith iomarcach agus mar a bheadh duine stuama ag súil leis agus tionscadal den chineál seo á chur i gcrích.
- A bheith riachtanach chun an tionscadal a sheachadadh.
- Is féidir suas le 100% maoiniú a sholáthar ón gCiste Gníomhaíochta Aeráide. Is féidir maoiniú eile a ghairiú do thionscadail (m.sh. le LEADER, Tidy Towns, maoiniú Feabhsúcháin Bailte agus Sráidbhailte, etc.). Mar sin féin, caithfidh an comhpháirt a mhaoineáir ón CAF seasamh ar a bhua féin agus a bheith neamhspleách ar an maoiniú eile. Ní cheadaítear dúbláil maoinithe.
- Caithfidh an maoiniú cloí le riachtanais Chúnamh Stáit.

Ba chóir costais a mheas ar bhonn cás ar chás. Tá sé dodhéanta a chinntiú go bhfuil gach costas san áireamh sa liosta thuas. Is clár nua agus nuálach é seo, agus measfar roinnt costais bunaithe ar nádúr an iarratais agus ar an údar agus an réasúnaíocht a sholáthraíonn an t-iarratasóir.

Tionscadail agus Gníomhaíochtaí Neamh-incháilithe

Ní dhéanfaidh an Ciste Gníomhaíochta Aeráide Pobail maoiniú foirmiúil ar ghníomhaíochtaí a bhaineann le:

- Tionscadail a bhaineann le leas duine aonair amháin
- Múinteoireacht/foireann
- Costais taistil agus iompair ach amháin i gcúinsí eisceachtúla
- Trealamh, ach amháin má bhaineann sé go díreach leis an tionscadal
- Tionscadail a ghineann brabús
- Costais forchostais, costais reatha leanúnacha
- Árachas
- Lóistín agus cothú
- Costais iomarcaíochta
- Pionóis/Ús/Ús Bainc/Muirear
- Aisiocaíochtaí iasachta

- Costais siarghabhálacha m.sh. caiteachas a tharla roimh dháta ceadaithe an tionscadail
- Costais a bhfuil deiseanna maoinithe níos oiriúnaí ann cheana féin, nuair is léir go bhfuil maoiniú ón gClár Gníomhaíochta Aeráide Pobail ina ionad ar mhaoiniú poiblí eile atá ar fáil faoi láthair
- Costais fhíorúla m.sh. cíós seomra laistigh de thailte an iarratasóra féin
- Táillí dlí

Níl an liosta seo cuimsitheach.

Nóta: Ní féidir le heagraíochtaí iarratasóra ná a bpáirtithe costais a áireamh maidir le húsáid a dtrealaimh nó a dtailte féin m.sh. míreanna ar nós úsáid fótachóipeora nó úsáid a seomraí féin le haghaidh cruinnithe.

Ceisteanna Breise ar Iarratais agus Ceisteanna Ginearálta

C. An féidir le pobail aisíocaíocht a fháil ar mheasúnuithe a rinneadh le linn na tréimhse iarratais (má roghnaítear iad), mar shampla iniúchtaí fuinnimh?

Freagra: Níl, níl maoiniú ar fáil ach amháin do chostais a thabhaítear tar éis roghnú an tionscadail.

3 Ceisteanna Iarratais

C. Ar chóir do ghrúpaí an costas ar na foirmeacha iarratais a chur síos gan CBL nó lena n-áirítear CBL?

Freagra: Ba chóir an costas a chur síos lena n-áirítear CBL. Mar sin féin, d'fhéadfadh roinnt grúpaí CBL a éileamh ar ais. Ba chóir do na grúpaí sin caiteachas a chur isteach gan CBL. Tá ceist ar an bhfoirm iarratais ag fiafraí de ghrúpaí an féidir leo CBL a éileamh ar ais.

C. An bhfuil sócmhainní ar fáil ar féidir iad a úsáid le haghaidh cur chun cinn?

Freagra: Ba chóir go n-áireofaí ar gach doiciméad a fhoilsítear i ndáil leis an gClár Gníomhaíochta Aeráide Pobail lógónna Rialtas na hÉireann agus “Táimid ag Gníomhú ar son na hAeráide”.

5 Ceisteanna Ginearálta

C. Conas a mheasfar na tionscadail?

Freagra: Déanfar athbhreithniú ar na tionscadail thar ceann an Aire chun a chinntiú gur féidir iad a mhaoiniú faoin Acht NORA agus an CCAP, agus eiseofar fógraí chuig Údaráis Áitiúla ag cur in iúl dóibh na tionscadail atá ceadaithe le haghaidh maoinithe.

C. An gá an tionscadal a chur i gcrích ina iomláine laistigh de thréimhse 18 mí?

Freagra: Tá, tá 18 mí ag an tionscadal chun críochnú ach féadfaidh tionscadail críochnú níos luaithe ná 18 mí. Ní féidir aon íocaíochtaí a dhéanamh as obair a rinneadh lasmuigh den tréimhse 18 mí seo. I gcúinsí foircneacha féadfar síneadh a dheonú le toiliú i scríbhinn ón Aire. Caithfidh an tÚdarás Áitiúil mar pháirtí ceannais an síneadh seo a iarraidh i scríbhinn.

C. An bhfuil cigireachtaí fisiciúla ar láthair na dtionscadal riachtanach?

Freagra: Ba chóir d'Údaráis Áitiúla iad seo a chur san áireamh ina gconarthaí nó i

gcuimhneachán tuisceana leis na comhpháirtithe. Éilíonn an comhaontú deontais go gceadófar cuairteanna ar an láthair.